

72



Small circular icons are visible at the ends of the barcode.

NOVEMBER

NOVEMBER

NOVEMBER

NOVEMBER

NOVEMBER

NOVEMBER

NOVEMBER

NOVEMBER

NOVEMBER

NOVEMBER

NOVEMBER

NOVEMBER

NOVEMBER

NOVEMBER

NOVEMBER

NOVEMBER

1-111-57

—

N  
G  
S  
P  
fa  
O  
L  
14  
46  
I  
j  
r  
T  
R

# JOVENDIVM

S E U

NOVEM DIERUM EXERCITIA,  
AD HONOREM

GLORIOSI PATRIARCHÆ  
S. ROMVALDI  
ABBATIS.

Pro novem Martis diebus, prodigio-  
sam ejus, ad inclytam Fabrianensem  
Civitatem, Translationem præceden-  
tibus, quæ die 7. Februarij occurrit.

*Ex quibus Exercitijs quinque hoc signo adno-  
sata, Devotus assumet, pro totidem ferijs reverijs  
ad diem felicitis S. Patris transitus in celum,  
se extendentibus, cujus dies Anniver-  
saria 19. Junij recolitur.*

Inserta etiam est compendiosè Vita e-  
jusdem S. Patris, pro majori Devoto-  
rum excitatione; tum Parvum ejus  
Officium, & Responsorium.

Anno Domini 1709.

---

C R A C O V I Æ,

Typis Francisci Cezary, S. R. M. Illustris ac  
Reverendiss. Dñi Episcopi Crac. Ducis Szeve-  
fiz Ordinarij Typographi.



Addo diuturnitatem Vitæ Ro-  
MUALDI, ex DEI præsentia ortum  
duxisse. Profecto Rechabitæ, si-  
ve Cinæi, in sua illa solitudine,  
DEI affiduâ præsentia frueban-  
tur. Quis autem dubitet, fami-  
liaritatem cum DEO vitam ex-  
tendere? An non Moyses ex fa-  
miliaritate cum DEO, ex crebris  
cum Numine colloquijs ultra  
centum annos produxit ætatem?  
*Antonius de Escobar, & Mendoza*  
*Libro 3 ad cap. XIX. Matthæi parte*  
*5. Paneg. Moral. 5. Observ. 3.*





PERILLUSTRI,  
ET  
REVERENDISSIMO DOMINO,  
D. CHRISTOPHORO  
à SŁUPOW  
SZEMBEEK,  
CANONICO CRACOVIENSI.

*Domino & Patrono Colendissimo.*

**P***rodeuntem in lucem exilis in-  
genij partum, protectione &  
favore Tuo fovendum, repono  
in Roseum sinum Tuum, Perillustris  
& Reverendissime Domine,  
Veluti alterius & rara Pbaenicis, de  
cinere exorientem Sanctissimi Patri-  
archae Nostri ROMUALDI vitam.*

non peregrinis Numinibus, sed magno  
Tuo Nomini immolandam, insinuavit  
mibi. ipse zelus Tuus erga res sacras,  
& magna in eas veneratio, quam  
opusculo in Polonia novello, magno fi-  
ducia ausu, pro objecto assumo, spe-  
rans sub Auspicijs Tuis, tenerrima vi-  
ta, & virtutis Romualdina, necnon  
cultus, & devotionis incrementa,  
plurimum in cordibus Fidelium pro-  
fectura. Hac ergo sacratis manibus  
tractanda, & promovenda, cum omni  
respectu, & profundissima mea submis-  
sione trado, solo hoc purè motivo, ut  
quàm evidentissima singularis, Per-  
illustri, & Reverendissimæ Do-  
minationi cultus, honoru, & inti-  
ma propensionis mea testimonia de-  
promere queam. O si quod olim  
Adomus à Jove petisse fingitur ve-  
tum esset; nimirum; ut aperta &  
unda

nuda omnibus cordium humanorum  
paterent consilia; cerneres procul du-  
bio omnia mea studia, conatus, tum  
animi, tum corporis contentiones, in  
Te apprimè colendo esse collocatas. D. B.  
V. S. Pijssimus felicem Te Perillu-  
stris Domine, atq; florentem, tam  
Tibi ipsi, quam Ecclesia Sancta, in se-  
ram annorum seriem conseruet, opto.

Perillustris  
& Reverendissimæ Dominationis

Humillimus Servus,

& Exorator

P. Benedictus, Eremita  
Camaldulensis.

GENE.



Sanctus Romualdus Abbas  
Cassaldulensium Pater.



(S) (+) (S)

71

# GENERALES REGULÆ PRO NOVENDIO.

**Q**uicumque pro impetranda aliqua, à Divina Maestate gratia, per patrocinium Sanctissimi ROMUALDI; sive in gratiarum actionem pro iam obtentis, ipso mediante gratijs, huius Sancti Novendij exercitia facere exoptat; Primo, omnibus Martis diebus novem ieiunare debet. Si autem ieiunare non valuerit, aliquam eleemosynam pauperibus elargietur; aut aliquod pium opus, secundum Patris Spiritualis consilium, peraget.

2do. Quolibet ipsorum Exercitiorum die confiteri, & Sacram Eucharistiam suscipere tenebitur.

3tio. Die Vigiliae S. Patris ieiunare, ac tandem ipso Festo communicare debebit. Tunc enim in Ecclesijs sui Ordinis Indulgentiam plenariam lucrabitur.

4to. Per hos dies novem, centum viginti Pater noster, 15 Ave Maria, cum totidem Gloria Patris, (div. dendo ipsos

per 13. in dies, ultimus verò tribus diebus  
 per 14. ) in memoriam centum viginti an-  
 norum, quibus Sanctus vitam duxit, reci-  
 tabit. Quodsi verò aliquis per semet-  
 ipsum præfata Exercitia adhibere nequi-  
 verit, nota & timorata Persona commit-  
 tet, quæ suo nomine ipsa adimplebit.



PRIMODIE MARTIS,  
 PRÆLUDIUM.

**A** Deo S. Romualdi Patris & Funda-  
 toris Ordinis Camaldulensis Vita  
 Orbi Christiano præluet; ut nec mi-  
 nima Christianitatis pars adit, quin  
 ibi ejus præclarum Nomen, præ fama  
 celebre non excurrat. Illi centum  
 annorum dies austerrimæ, ac sanctissi-  
 mæ vitæ, quam cum profunda humi-  
 litate, inter nemora, & solitudines a-  
 gebat absconditam; ante humanæ no-  
 titiæ oculos, per omnia occulti esse non  
 valebant. Virtus namque lux est cla-  
 rissima,

rissima, quæ se ipsam conspici facit. Et DEUS ( ut loqui fas sit ) silentiosa arbustorum ora solvit, ad sui servi sanctitatem Ecclesiæ patefaciendam. Divus Petrus Damiani Cardinalis Ordinis nostri, primus fuit alios inter Scriptores, qui compendiosè S. Romualdi facta reddidit factis. Postque ipsum Divum Petrum omnes sacrorum Historiographorum calami, in Ecclesiasticis Annalibus, tanti Sancti opera præclara reddiderunt. Ipsemet DEUS Sancti Patriarchæ virtutum excellentiam, ac meritorum culmen obtuspendendis miraculis manifestavit. Siquidem extincta incendia, tempestates maris sedare, amentes sanari, infirmi ad pristinam valetudinem reducti, bestie mansuefactæ, infernales spiritus fugati, prodigia suere; quæ quasi joci gratiâ, aut per verbum, vel manum Sancti venerunt. Quid plura? Tota ejus vita, unica virtutum synopsis fuit, atque assidua miraculorum series. Post

fortunatum S. Romualdi, & ultimum  
 vitæ halitum, Supremus Dominus e-  
 xaltans humiles, Sancti sui gloriã ma-  
 gis prodigiosis portentis propalare  
 continuavit: de cuius tumulo appa-  
 ret esse scriptum illud perpulchrum  
 Prophetæ elogium: *Et erit Sepulchrum  
 eius gloriosum.* Pro evidentia autem  
 veritatis: Sacrum Divinissimi Romu-  
 aldi Corpus, quod prolixiori sæculo-  
 rum morâ, à temporis injuriâ, in In-  
 clyto Vallis de Castro Cænobio, in obli-  
 vione sepultum jacuit; cum illustri  
 crebrescentium miraculorum pompa  
 ad Nobilem Fabrianensem Civitatem  
 fuit translatum; ubi quasi in gratia-  
 rum throno gloriosum, & ad omnium  
 sibi devotorum favorem, beneficium  
 residet. Eò loci ad præcellsum Sancti  
 Sarcophagum visuntur obstinatorum  
 in peccatis conversiones, & diversa-  
 rum personarum in perfectione lucra:  
 ut potè pericula animæ declinata, ten-  
 tationes superatæ, lumina acquisita,  
 optimæ

*Sancti Romualdi.*

5

Optimæ inspirationes reportatæ, adiutorium perseverantiæ in incæptis bonis; & aliæ spirituales gratiæ: quæ quantò sunt plus secretæ; tantò magis ordinariè à veris S. Romualdi devotis obtinentur. Ad extremum potenti ope S. Anachoretæ creberrimè, jam jam moribundi audiuntur protinùs ab imminente morte liberati, innumera- biles infirmi ad insperatam salutem re- ducti; pauperes quoque miserabiles in necessitatibus provili; afflicti ac pe- nè metu exanimati, in tribulationibus ac ærumnis efficaciter consolati, ob- fessi, & à dæmonio tentati, parturien- tes, agonizantes, à potenti brachio S. Romualdi occultam vim persentiunt. Visitatâ namque ejus Ecclesiâ atque Sancto Sepulchro; aut invocato San- cti Nomine, viribus esse firmi, ac pror- sus omnimodè liberati cernuntur. Si regnant inimicitie; S. Romualdus re- donat pacem. Si annonæ caritas ad- venit; S. Pater abundantiam frumenti desuper

desuper impetrat. In perniciosis inundationibus, in noxijs terræ ariditatibus, in bellis, conflictibus, in terræ motibus, quavisve pestilenti lue, absque ulla cunctatione, vix recursus fit ad Sanctum; & ecce in omnibus necessitatibus, ut generalis Protector subvenit, adjuvat, consolatur, & quascunque gratias devotè requiritas protinùs concedit, & suppeditat.

Cum itaque infallibile B. Patris nostri patrociniū maneat, ac meridiana luce clariùs existat; tibi Anima devota, sequens distinctum varijs meditationunculis in S. Romualdi vitam Novendium presento; quatenus facilem ac proficuum, pro acquirenda & augenda, erga Sanctum devotione, methodum habeas: tum quoque, ut desideratum gratiarum donum celerius reportare queas. Ocyus ergo S. Romualdum in Advocatum tuum eligas; tua cordis penetralia ipsi detegas; omnigenas necessitates exponas; heque te consolandam

landam procul dubio credas. Ejus Ecclesiam frequentando viuites, peractoque novendio Sancti Nomen invoces; & ex parte ipsius spondeo te exaudiendam. Iple è Cœlo Empyreo pijs oculis te intueri non cessat; manum ad benedictionem elevat; & pro elargiendis gratijs, quascunq; efflagitas, sine intermissione avidè te prestolatur.

INCIPIT VITA S. PATRIS.

† **R**omualdus fuit Sergij Ravennæ, Ducis Filius, ex nobilissima & Regali Longobardorum Ducum stirpe progenitus, vulgò: *De Sasso*. Quæ Familia Fori Julij & Beneventi insignes Ducatus, partem Tusciæ possedit; & per certum temporis spatium ampla Lombardiæ, Apuliæque Regna gubernavit. Et consanguineitate propinqua cum Imperatore Othone I. ac per consequens cum alijs duobus gaudens, ex Illustrioribus ac Ditiorebus Europæ Prosapijs originem duxit. Sub cui

cursus

cursus juvenilis initio per lubricam callem incedere cepit, & ad mundi vanitatem proclivis fuerat. Nutriebat nihilominus intra cordis viscera motivum solitudinis sensus; expromendo ab illis densis nemorum saltibus, quos ad agendas ferarum prædas sæpius percurrens collustrabat. Anno suæ ætatis vigesimo Divinæ vocationi aure porrectâ, Monasticum Habitum in Basilica S. Apollinaris, in Cænobio Classis assumpsit; illuc præcipuè compulsus à quodam funesto casu, qui ejus genitori, in sua præsentia accidit; ibique se totum DEO, perfectionique acquirendæ consecravit.

### MEDITATIO.

**P**rimò. Considera, quomodo DEUS bonis inspirationibus eos, etiam visitare non omittat, qui commoditatibus, ac delicijs terrenis immerfi, ipsius obliti vivere videntur. Si tu, aut aliquis ex tuis affeclis, ex similium numero



*Sancti Romualdi.* 9

mero reperiaris ; supplica instantèr  
Divinæ benignitati per Sancti mèrita,  
nè te, in tui ingrati & obdurati cordis  
pœnam derelinquat ; verùm te do-  
ceat proprium statum cognoscere, at-  
que serio emendare.

2dò. Considera, quomodo ex rebus,  
à Divina Providentia ad nostrum lici-  
tum usum creatis, ad cœlestia & spiri-  
tualia mentem facillimè erigere possi-  
mus ; ab illis desumendo occasionem  
Conditorum laudandi, eique agendi  
gratias.

3tiò. Considera, quomodo DEUS,  
pro una anima ad portum salutis re-  
ducenda, multoties mundi ærumnas  
atque infortunia adhibeat. Casu, quo  
tibi, in aliquam adversitatem devenire  
contingat, minimè perterrearis ; sed  
apprimè examines, quidnam à te DE-  
US prætendat ; exemplo nostri Sancti,  
qui ex inconvenienti Patris progressu,  
optimam, & convenientem propria  
saluti conversionem depromptit.

PRO-

## P R O P O S I T A.

Attentè perpensis supradictis considerationibus propone. Imò. non amplius internis vocationibus, & bonis sensibus resistendum, quascunq; tibi Pater luminum præstare dignabitur; sed te reflectendum super salute animæ tuæ, licet familiaribus, & sæculi negotijs implicatus existas. 2dò. Ab hinc ponderandam DEI Potentiam, Sapientiam, & Bonitatem, quæ in cunctis Creaturis relucet, & maximè in Sanctis ejus, quibus & tu similis esse poteris. 3tio. Nunquam desperandum, animumve despondendū, quamvis te nimis ad vanitates proclivem esse cognoscas, aut aliquas patiaris persecutiones, aut quovis modo te esse sentias tribulatum.

*Fructus huius Meditationis.*

Imò. Ab hac die illis rebus renunciare incipies, quæ Sancto Patri displicere possunt.

2dò.

2dò. Tuis Famulis, vel amicis, ejusdem Sancti cultum persuadebis.

3tio. Ad honorem ipsius, aliquod misericordiae spiritualis, vel corporalis opus, in tui proximi emolumentum exercebis.

### O R A T I O.

**S**anctissime Patriarcha & Pater amantissime omnium nostrum Viatorum; confiteor negligentiam meam in obsequio tuo, & elapsis temporibus me in tua devotione penitus incuriosum fuisse. Cujus, ex intimo cordis mei me paenitet. Profiteor cum his Exercitijs in posterum me fore tuum verum, ac devotum servum; nunc te in meum Advocatum, & Patronum eligendo, cum irrevocabili proposito, nunquam amplius a tuo desiderabili famulatu me subtrahendi. Inde cum omnimoda spiritus mei humilitate instanter tibi supplico, ut hoc minimum pauperculi cordis mei obsequium pergratum tibi facere velis. Illud quippe  
ad

ad tuam perpetuam gloriam offerre dispono; tum quoq; ad sublevandam miseram animam meam, quæ ad ultimum usque respirium tibi recommendata maneat ante Divinam Majestatem; ut ipsâ frui tecum in cœlis æternum valeat, Amen.

*Pater noster, & Ave Maria, pro vivis  
& mortuis Sancto devotis.*

## SECUNDO DIE MARTIS,

### P R Æ L U D I U M.

† **C**UM jam sincerissimo animo, & ex intimis præcordijs clientelæ te Sancti Romualdi committas, restat, ut tuæ servitutis officio, opera tua consonent. Sed quidnam facies, ut amoris ejus teneritudine dignum te reddas? In id primariò animum intendes, ut characteri, quem geris per omnia respondeas, in DEI gratia manere satagas, ad normam tui, in delicato æternæ jucunditatis Paradiso spaciantis

tiantis Defensoris, qui supereminenter eâ dotatus fuit. Operam impendas ipsum imitandi proportionaliter in earum virtutum exercitio, in quibus singulariter excelluit; & quas, in ulteriori admirandæ ejus vitæ progressu perlustrabis. Ipsemet apud Altissimum, pro necessario adjutorio, ad eas exercendas, Mediator tuus futurus est. Animum omninò non despondeas, quinimò ejus caliginem procul dispellas. Cor, ipsi fiducialitèr detegas, nec quidquam pertimescas. Sanctus Pater, & est fidelis, & potens. Potens ad omne exoptabile bonum tibi largiendum. Fidelis ad clientes in fidem suam recipiendam, & neminem fallendum. Crebriùs ipsum amabili, pij Patris titulo invocet; & ipse te ut filium respiciet; atq; ab omni mala animæ & corporis incurfione proteget.

*SEQUITUR VITA SANCTI.*

**P**ost elapsum ingressûs in Religionem triennium, ad quendam Virum,

rum, ab humanis tumultibus per omnia segregatum, in Venetis Insulis commorâtem, Marinum nomine, non minus naturâ simplicem, quàm moribus candidum commeavit; ejusque directioni se tradidit. Qui suum novellum in via DEI discipulum, psalmodiæ disciplinam instruens occasione alicujus titubationis, ad quemvis errorem, veniam rigidus Magister non admittens, virgâ, sinistram capitis ejus partem verberabat: quæ suo tempore per cõtinuam repercussionem, adeo offensa exalit, ut fermè auditum perderet. Sanctus autem patiens, auditus præjudicium cernens, cum majore humilitate, ac patientia ipsum efflagitare coactus fuit, quatenus illos indifferetos ictus in dextram partem revolveret. Et tandem aliquando in se reversus solitudinis profundæ Incola, rigidam animadversionem in suum tam modestum discipulum moderavit. Per unam integri anni revolutionem,

uno pugillo ciceris elixi, de die in diem contentus fuit. Per continuum triennium, eodem jejuniij rigore servato, in excolenda terra seminandoq; ac proprijs manibus colligendo tritico, occupabatur.

## MEDITATIO.

1. **C**ONsidera invictam tolerantiam, & demissam humilitatem Sancti; qui licetsi spontè se illi, cunctis virtutibus ornata palæstræ dedicaverit; & per consequens illâ dimittere ad proprium beneplacitum potuerit; verumtamen nè cum invictæ patientiæ exercitio, magna merendi, occasionem omitteret, in eo, planè ad sensus privationem constanter perseveravit.

2. Quomodo Eremita Marinus, et si alias homo sanctitate conspicuus, attamen in discretionè virtutum basi, Romualdû percutiendo deficiebat. Quod DEO permittente actum est: nimirum ad abundantius meritum discipuli; &

li; & ad majorem Magistri in spiritu doctrinam; qui tam perfectâ discipuli patiētīâ, & placatus extitit, & ipsum posthac summa veneratione coluit.

3. Considera rigidam abstinentiam; cui se Romualdus, (licet floridam adhuc, ac delicatam juventam duceret) instinctu amoris DEI, ac respectu Æternitatis dedit: & rusticanas operationes, ab ipso quamvis genere nobilissimo oriundo arreptas.

### P R O P O S I T A

**F**ACTIS præfatis considerationibus propones.

1. Nunquam evitandas occasiones patiendi, ad summum vltro se offerentes; sive à DEO, sive à Creaturis occurrant.

2. Compassione duci erga defectus illarum præsertim personarum, quæ possunt esse, aut sunt in aliqua virtutis æstimatione.

3. Exercendum aliquod, secundum proprij



proprii statûs conditionem, mortificationis genus, aut corporalem pœnitentiam ; non tantummodo pro commissorum delictorum satisfactione ; at etiam, nè in casum graviolem ruas.

*Fructus huius Meditationis.*

I. **G**enerosum animum indue ; & hâc die, eum qui te aliquâ ignominia, aut displicentiâ affecit, contraria gratitudinis tessera præveni. Vel si id præstare non vales ; DEUM pro ipso, singulari mentis applicatione deprecari stude. Casu quo, ipsum allocutus non es, quam primum ei reconciliari non differas, etiam consultò occasionem inquirendo. In memoriam tibi veniat Ecclesiæ ipsiusmet Capitis Christi exemplum ; qui nec Redemptionis Sacrificium complere voluit, priusquam in proximi reconciliatione, ( scilicet : *Pater dimitte illis* ) non fundaretur.

2. Universas proximi actiones, eo  
non

non obstante, quod tibi pravæ videantur, in bonam partem vertere, ac interpretari incipe.

3. Ad aliquod contemptibile, & vilis exercitium, tam privatim, quam in publico, te deprime; nec ab eo ratio aliqua politica, aut præclari sanguinis nobilitas te avellat.

### O R A T I O.

**C**emper melius agnosco ô gloriosissime Pater, felicem sortem, quam sum adeptus, cernens me tuæ dignissimæ sequelæ esse adscriptum. Proindè tibi correspondendi gratitudinis affectu, avidus athleta, cum pleno animi mei studio, tuam supernam efficacem assistentiam flagito; ut parculæ meæ devotiones, quas non minùs cum voluntatis promptitudine, quam spiritûs fervore facere satago, comparere valeant ante venerandam præsentiam tuam, & Adorandam Trinitatem viventem in sæcula, Amen.

*Pater noster, Ave Maria, &c.*

TER.

TERTIO MARTIS DIE,  
PRÆLUDIUM.

† **I**ngenti cordis affectu anhelarem;  
ut quantò majori, erga tantum  
Sanctum devotioni approprias; tantò  
plùs vividâ deveniendi melior, ipsiq;  
similior (in quo veræ devotionis sub-  
stantia consistit) flammâ accendaris.  
Quantùm possibilitas permittit, quo-  
tidie semel saltem ejus Ecclesiam vi-  
sitare non prætermittas, ut per inti-  
mam, & fervidam Sancto Patri re-  
commendationem, ipsius intercessio-  
ne, unâ cum tuis familiaribus dignus  
vivere & mori ut Christianus, meri-  
tisque opimis cumulatus reperiaris.  
Aut potius in defectu commoditatis  
adeundi Templum, ad imaginem, vel  
aliam memoriam Beati Patris, in tuâ  
intrinsicè intimos ardores erumpas.  
Suspira, plange, & exoptati effectus re-  
portandi sis certus. In memoriâ nihilo-  
minus reducas, quòd ad id perseverantia

B

deside-

desideretur; & quod Sancti, de nostris assiduis, & importunis precibus summopere gaudeant.

*SEQUITUR VITA SANCTI:*

**S**ub suæ conversionis exordio, versus humani generis deceptor Romualdum assiduis tentationibus arietare non cessavit; his timores ac horrores auxit. Demùm varijs injurijs, molestijs afficere, verberare, mortem denique ipsam sæpius moliri non destitit. Per totum quinquennium, nullam reliquit noctem, in qua ipsum non commoveret temerarium infernale monstrum; super crura ac pedes ejus jacendo; & sic, ut se in dextram, aut lævam partem verteret, nullatenus permittendo. Itaque insomnes noctes agere debebat. Per quindecim annos extremis jejunijs se macerabat; ita, ut solis diebus, Dominicâ, & quintâ feriâ modicam refectiionem sumere consuevisset. Gallias peragrans

peragrans quæquè portentosa, in spirituale proximi adiutorium & beneficium egit; insignes ibi peccatorum in gravibus culpis inveteratorum conversiones operando. Ubi certiolem nuntium recepit, Sergium suum Patrem ( jam Monachum factum ) conversionis suæ pœnitere, atque ad sæculum redire conari: Sanctus Ravennam versùs, excalceatus iter arripuit, eoque adveniens, ejus instabilitatem asperè correxit & punivit; vocacionemque adeò confirmavit, ut summum sanctitatis culmen ascenderit; utpotè, cum à Clementissimo Domino nostro, specialissimo honore decoratus fuerit, in hac afflictà vita, Spiritum Sanctum in quadam specie intueri promerendo.

## M E D I T A T I O.

1. **P**erpende optimum signum esse, dum Divina Sapiencia super nos, ab infensissimo æternæ nostræ salutis

hoste tentationes, aliasvè diversas tribulationes & exagitationes venire permittat: prætendens Divina Bonitas hoc modo, ut in virtutum labore exerceamur, atque merendi occasionem habeamus.

2. Animo revolve, quomodo abstinentia semper individua sanctitatis sociata fuerit. Quocirca totum affectum in ipsam transfundere, ipsique exercitatione adhærere convenientissimum est.

3. Adverte, quomodo proximo, maximè genitoribus, quisque subvenire teneatur. Proindè omnimeliori, & accuratiori modo, ipsis adiutorium præbendi occasiones prætereundæ non sunt; magis autem & principalius, admonitiones, aut correctiones adhibendæ.

### P R O P O S I T A:

**P**Rædictis considerationibus perpensis propones,

Imò,

Imò. Tuas tentationes, internasque anxietates Patri spirituali manifestandas, ad finem adæquati, tuæ necessitati documenti excerpti.

2do. Ex statuto Ecclesiæ, aut ex tua devotione inchoata jejunia exactè, & libenti animo observanda; atque hilari corde victus pauperiem ferendam.

3tio. Tuum proximum ad bene operandum, potius bonarum tuarum qualitatum exemplo, ac modestiâ, quàm verbis exhortandum. Quod si eum cernas offendere DEUM; illico amanter, & benevolè monere curas.

*Fructus huius Meditationis.*

1. **O**Mnibus personis, à capitalibus inimicis, videlicet: mundo, carne, & dæmone tentatis, & tribulatis ex corde compati incipe; & pro eorum consolatione DEUM instanter precare.

2. Tua jejunia, cunctasque alias laborum perpeffiones, in propriarum

B ;

culpa-

culparum pœnam, tuique proximi; aut in purgantium Animarum suffragium offer.

3. Pro conversione infidelium, & Christianorum, qui in mortalis culpæ lecto miserè degunt, **JESUM** Christum instantissimè efflagita.

### O R A T I O.

**A**D tuarum virtutum, ô Divinissime **Romualde**, puritatem, ah quàm evidentè meæ imperfectiones prodeunt! vitæ meæ tenorem, ad minus in parte, tuæ Sanctissimæ methodo conformare ex animo cuperem. At distantia, quam inter unam & alteram, insuperabilem contueor, extreme terrorem mihi inducit. Conatum meum omnigenè erigam, ut ante ipsosmet oculos meos humilier; altâ mentis indagine revolvens mei nihili abjectionem tuæ virtutis sublimitati contrariam: eodem temporis spatio infinitas, **DEO** infinito gratias  
-agendo



agendo, quod te, ad adeò mirabilem  
 meritorum evexerit altitudinem. In-  
 terim tuis precibus, ille benignus Lar-  
 gitor unicam abundantis sanctitatis, &  
 gratiæ scintillam mihi concedat, qui  
 torrentis adinstar beatam Animam tu-  
 am implet, ac æviternum implebit, ut  
 ego etiam in cœlesti Patria tanquam  
 unus ex unicè tibi devotis, ipsum lau-  
 dare & glorificare nunc, & in perpetu-  
 um valeam, Amen.

*Pater noster, Ave Maria, &c.*

## QUARTO DIE MARTIS. PRÆLUDIUM.

† **H**Actenùs jam ad minùs in parte,  
 beneficos, devotionis intimæ erga  
 Sanctum effectus expertus es; unâq;  
 apprimè perspexisti: quomodo ipse sit  
 promptior, atque liberalior in ditando  
 te cœlestibus gratijs, quam tu sollicitus  
 in ipsis postulandis. Animatus itaq;  
 hâc munificentissimâ ac cœlesti comi-  
 tate, seriò animadvertite super tanta

beneficia, ultra omne tuum meritum reportata. Tandem nullo temporis puncto intermisso, vivo cordis spiritu ipsi gratias age, ad contemplationem adhuc spei, te reddendi dignum in posterum ulteriorum favorum. Et toto mentis desiderio conare, quàm vivacioribus tuæ linguæ documentis, in pectore Christiano accendere fiduciam in ipsius adjutorio; laudando & benedicendo Dominum in suo servo, quòd ipsum tam gloriosum & mirabilem reddat ad favorem ipsius Devotorum. Ad extremum, id totum agere dispone, quod ipsi fore gratum, atque acceptum videris, optimè persuasus, ab ipso ad tuum computum, in Divinæ Majestatis cōspectu præsentadū plurima posse adaugeri; & tunc se amplius ad dispēfanda tibi largā manu, pretiosissima suarū gratiarū dona extēdet.

SEQUITUR VITA SANGII.

**P**Rævidentes Gallix Populi, brevi Romualdum, eorum Regionem derelictu-

relicturum, sine ulla redeundi spe, hac de causa molestam passionem sentientes, recidendæ S. Patris resolutioni invigilarunt adeò; ut cum eis fortuna non arrideret, Sanctum intra suos limites possidendi, eum è vivis tollerent; atque sic exanimi corpore saltem, pro universali Regionis beneficio fruerentur. Sed DEUS ipsamet nocte in oratione vigilantem imminentis periculi conscium fecit; qui primis diei alboribus, arreptâ forfice, sat deformiter capillis, & barbâ sibi refecatis, vultu tincto, atque habitu incompto, mente captum se simulans, inevitabile mortis periculum evitavit. Pervenientē itaque ( post stabilitū Sergium Patrem in Religione ) ad Monasterium S. Apollinaris in Classe, & demùm ad Eremum Pereti, Imperator Ottho III. ad eum invisendum in persona commeare decrevit. Quò, cum post solis occasum devenisset, Sanctus pauperem suum lectulum, ad pausandum

ei dedit; quem cum pleno reverentiæ titulo Rex acceptavit; verum, cooperatorium, uti asperrimum & durum judicando, refutavit. Hic ipsemet Imperator ad demoliendam Tiburtinam Civitatem, circumcirca formidabilem obsidionem posuit. Quò, sollicitis passibus progrediens Romualdus, commotum Imperatoris animum mitigavit; atque placidis rationibus ab attentato malo removit, nullo sanè incommodo Civitati illato. Quinimò confitenti quoddam se commisisse delictum, Sanctus pro pœnitentia, & in satisfactionem mandavit; ut nudis pedibus iter Româ, ad montem Garganum usque, in Apuliam conficeret. Demùm mandato S. Patris, integrâ Quadragesimâ mansit reclusus in Cœnobio Classis; in exercitijs Psalmidarum, jejuniorum, ciliciorum super nudam carnem, die noctuque perseverando, atque super stœreas dormiendo; ultimo tandem Imperium abdicare,

dicare, Monasticumque statum amplecti pollicendo.

## M E D I T A T I O.

I. **A** Nimo revolve, quàm felix, fortunatusque sit Populus Fabrianensis; quòd dignus fieret recipiendi in suum sinum, amplissimū thesaurum sacrarum Romualdi Reliquiarum; qui propriâ electione ibi requiescere voluit; cùm ex adverso, ille in Gallia, perionâ ejus orbatus, exsors remanere debuit.

2. Scrutare ingentem venerationem, in qua Sanctus habebatur apud Orbis Monarchas; qui se ipsos nimis felices opinabantur, si etiam cum proprio gravi incommodo, cum ipso tractare, eique obedire possent.

2. Aduerte; quomodo Romualdi sanctitatem etiam primi sæculi Optimates verebantur, ac pertimescebant; qui gravissimas pœnitentias ab ipso impositas haud recusabant,

PRO-

## P R O P O S I T A.

**S**Upradictis considerationibus peractis propones.

1. Monstrare Sancto, cum aliquo singularis gratiarum actionis signo, quantum sit acceptus, & charus ejus ad Patriam tuam adventus; si exinde originem ducis.

2. Onus tibi non imputandum in venerandis personaliter, ad conferenda in vectigal tuæ devotionis obsequia, Sanctissimis Reliquijs, aut sacræ Imagini Romualdi; quantumvis amplissimarum facultatum, aut nobilissimæ Prosapæ, atque sublimiorum Regni officiorum præ eminentiâ gaudeas.

3. Libenti animo acceptandi correctiones, & pœnitentias, à DEI ministris, in emendationem aut satisfactionem tuarum culparum, tibi immixtas ad amissim exequendi.

*Fructus huius Meditationis.*

1. **P**Ræterquam, quòd homagij præstandi

standi causâ, ad sacrum depositum, Ecclesiam, aut imaginem Sancti te conferas; non tibi molestiam adferat visitatio, pro ejus amore infirmorum in xenodochijs, aut amicitiam conjunctorum; qualiscunque tu exitas conditionis.

2. In universis tuæ Patriæ calamitatibus, sollicitus, & confidens ad Romualdi validam intercessionem recurras; si ab iræ Divinæ flagellis, liber evadere exoptas.

3. Assuescere stude alicui pœnitentiæ, nihil penitus respiciendo ad tenebram ætatem, delicatam complexionem, aut generis nobilitatem.

### O R A T I O.

**E**Cce jam me, exploratum habe, *o* Beate Patriarcha! nunquam amplius te derelicturum; imò continuaturum me, ad fera fata tuum famulatum, in modo tali, qualem frigidissimus meus spiritus permittet, procul dubio

dubio crede. Et quòd si interdum prætermisi præbere exteriora devotionis meæ signa; protestor tamen, & volo: ut hocce cor in amando te semper sit facile; atque in recognoscendo te meum amantem Patrem, constantissimum. Interea à meo, & Tuo munificentissimo DEO, in his meis propositis perseverantiæ donum impetra; ut eò magis, magisque in Te, & nobis pauperulis creaturis in sæcula glorificetur. Amen.

*Pater noster, Ave Maria, &c.*

## QUINTA DIE MARTIS, PRÆLUDIUM.

**C**Redo te esse confcium, quomodo degens adhuc in hac lacrymarum valle Sanctus, terribilia à Deo obtinebat supplicia contra illos, qui injusto titulo ejus benevolos, ac devotos persequerentur: è contrariò quemcunque aliquod illis præstantem beneficium inæstimabilibus gratijs locuple-



cupletabat. Nunc imaginare, quidnam non faciet gloriosus in cælo? ubi potentia, voluntas, & charitas in perfectiori gradu eminent. Quid ergo jam pertimesces, quando & fideliter servituum firmiter te resolvisti. Insurgent fortè adversum te tui ferocissimi hostes; tu invoces Romualdum: de verberabunt te lites; recurre ad Romualdum: opprimeris ab injustitijs, aut iniqua gente; in adiutorium clames Romualdum. Ultimo, adorientur te impetu valido, spiritus, aut corporis infirmitates; te recommends protectioni Romualdi; neque minimum diffidas te opportuno tempore non exaudiendum.

*SEQUITUR VITA SANCTI.*

**R**omualdus audito, cum teneritudinis, & summæ jucunditatis lacrymis, de invidenda, & simul felici, Tyrannorum manibus inflictâ morte sui, tam amabilis filij, & discipuli Bonifacij

nificij Archiepiscopi, & Ruffiæ Apoftoli, nuntio: præ mirabili cœleftium conſolationum exceſſu, deſiderio martyrij accenſus, Hungariam verſus ire decrevit. Ad cujus confinia cum viginti quatuor locijs perveniens, ipſemet forti febre correptus fuit; cui tumor aſſociatus eſt, & tanta ſtomachi bilis, ut cibum proſus non retineret. Eam autem non curanti, & ulterius progredi volenti augebatur ipſa; remigrare verò ſe reſolventi minuebatur. Dùm tamen convaleſcendo, adhuc ultra pergere tentaret, ipſum protinùs cum majori violentia adoriebatur; & poſtquam paſſus revolve-re diſponeret; integrè ceſſabat. Undè hanc mutam cœli loquelam, cum DEI beneplacito uniformem perpendens; miſſis ſeptemdecem, in Pannoniam ad ſeminandam Evangelicam veritatem dictis diſcipulis; cum alijs in Italiam remigravit: ubi fundatâ ſacrâ Eremo Camaldulenſi, in ditione  
Flo-

Florentina; varijsque alijs; in Sytriam secessit. Ibi septem annorum spatio, cum inviolato silentio reclusus mansit. Ibi supernaturalem Sacrae Scripturae intelligentiam adeptus, postea admirabiliter commentatus est. Ibi ad extremum, pluribus extraordinarijs pœnitentijs, & macerationibus proprium corpus immisericorditer afflixit. Quibus medijs inestimabilem fructum, in animabus illius climatis produxit.

### M E D I T A T I O.

1. **E**xamina, quantam habeat efficaciam Amor **DEI** in una Anima; quàm perquirere facit omnem occasionem pro ipso patiendi; immò ad ejus gloriam sanguinem, vitamque fundendi.

2. Contemplare, quomodo multoties **DEUS** inspiret illud, quod ut aut protinus, aut nunquam effectum fortiatur vult: ac solummodo ad exporten-

portendam atque dignoscendam nostram promptitudinem. Quocirca quietos nos manere convenit; si nonnunquam nostræ resolutiones impedimentum patiantur.

3. Adverte prudenter, quomodo à mundi tumultibus & rumoribus recessus, ad segregatumque locum secessus summopere adjuvet, ad acquirendam veram sapientiam, & cognitionem rerum spiritualium.

### P R O P O S I T A.

**F**Actis prædictis reflexionibus propones.

1. Gaudenti animo amplectendos quosvis super te irruentes patibiles dolores; aliasque laborum corporis, aut animi perpeffiones: quinimò aliquando eas de industria inquirendas.

2. Velle servire DEO, secundum ipsius sanctam voluntatem; non verò ut nos volumus; nempe in modo, & loco; tantum, quantum, & quando cognosces,

cognosces, mediante Patre spirituali, esse ejus voluntatem; & non alias.

3. Velle te abstrahere, quantum vires extendi valent, à publicis otijs, aut spectaculis, cæterisque sæculi occupationibus. Ea namque solum inserviunt ad dissipandum spiritum, & devotionem; atque ad non attendendum æternæ propriæ salutis.

*Fructus hinc Meditationis.*

1. **C**onsueſce actuali intentione offerre DEO cunctas illas malas actiones, quæ interdum intus & foris contingere possunt.

2. Procura, nunquam per quamcunque causam tui cordis internam pacem, ac tranquillitatem perdédam.

3. Quando te compellit necessitas ad trahendam moram in publicis locis, & in plurium personarum societate; tuum cor recollige, & custodi. Et tali modò solitudinem conservabis.

O R A-

## O R A T I O.

**O** Quis non probaretur à tantis animi sui sensibus, & tam validis difficultatibus in virtutum exercitio, quales ego ipsemet experior! Sine dubio crederem, quòd gustatis dulcibus bonarum operationum fructibus, quæcunque alia inutilis applicatio mihi nausearet. Sed quisnam negotium facile reddere passionesque recalcitrantes sedare poterit. Tu esse debes ò Sanctissime Romualde! qui Divino amore erga tuos clientes refertus, in Christianæ perfectionis vias ipsos conducere; atque ad portum salutis, iter alleviare, & facile reddere potes. Tibi itaque instantè, atq; humillimè supplico, cupiens omnimodè deserendam mundanam vanitatem, meque DEO totalitè consecrandum. Qui est super omnia Benedictus. Amè.

*Pater noster, Ave Maria, &c.*

SEXTA

SEXTO DIE MARTIS.  
PRÆLUDIUM.

**N**ON obstantibus diversis, & efficacibus motivis hætenus sat affectim deductis, conijcimus necdum aliquos velle se resolvere ad assumendam veram, erga hunc Sanctum Patrem devotionem. Credibile, id non procedere à modica fiducia, quam habent in summa ejus beneficentia (dum per semetipsam sit abundè manifesta) sed fortè, nè per hanc rationem cogantur rumpere antiqua illa vincula, quæ ipsos tenent arctissimè unitos, vanis mundi occupationibus. Duplicem lane committeretis errorem, ô dilectissimi! Ex una nempe parte tam pretiosis beneficijs vos privaretis; ex altera tandem nunquam à misera servitute vestrorum capitalium inimicorum emergeretis. Ah! Non amplius ad vestrum cor redire, & à tam horribilibus præcipitijs vos sejungere retardetis! Submittite vos  
semel

semel altissimo Romualdi patrocinio. Et si ipsum, etiam ultimi halitus vestri tempore, vobis habere propitium desideratis; demereri ipsum in vita, omni studio incumbite, ejus devotos sincerè vos profitendo.

*SEQUITUR VITA SANCTI.*

**F**Vit acceptissimus Romualdus Henrico Primo, (quem alij vocant Secundum) Imperatori, & Sancto. Ad eò autem acceptus erat; ut semel occurrenti sibi Romualdo, exclamans palàm Imperator diceret: O utinam placeret DEO, animam meam esse in corpore tuo! Undè tota Imperatoris Aula, catervatim accurrebat ad videndum, & venerandum Sanctum Patrem; habendamque pro Reliquijs aliquam, ex ejus habitu particulam, & ideò vestis ejus lanam evellere sunt ausi; quamvis Sanctus non modicum rubere suffusus, & contristatus inde fuit. Vidit prætereà, ad instar magni Patri-



Patriarchæ scalam, per quam ascende-  
bant, & descendebant homines nivei  
coloris habitu induti. Per quod in-  
tellexit designari sibi à DEO novum  
institutum Religiosorum. Illud au-  
tem fuit Camaldulense, ab ipso post-  
modum fundatum; in duas partes di-  
visum Cœnobitarum videlicet: & E-  
remitarum. Vidit insuper adhuc vi-  
vens propriam animam præsentatam  
ante Divinæ Majestatis conspectum,  
adinftar nivis resplendentem; in hu-  
mana quidem effigie; sed in statura  
perfectæ ætatis.

### M E D I T A T I O.

1. **C**ONsidera; quomodo intemera-  
tæ vitæ bonitas in majori æsti-  
mationis gradu, apud mundi Magna-  
tes resideat; quàm fastus, & superbia.

2. Quomodo Religiones ab Eccle-  
sia approbatæ, Divino instinctu à San-  
ctis sunt institutæ. Proinde in æsti-  
matione, ac omni possibili veneratio-  
ne habendæ sunt.

3.

3. Quomodo Anima in gratia DEI existens, decore, omnibus creaturis à DEI Omnipotentia productis præfulget. E contra, illa in peccati labe degens, deformato infernali monstro deformior est.

P R O P O S I T A.

SUpradictis Considerationibus trutinatis propones.

1. Colendas, habendumque respectum ad quasvis personas, & maxime piâ aliquâ qualitate præditas; in quibus singulari modo, Creatoris bonitas elucet.

2. Semper discursum rectum, ac bonum ducendum de Religiosis; etiam si videantur aliqui ex ipsis non directam semitam ambulare, secundum eorum vocationem.

3. Cum omnigena & exquisita diligentia à mortali culpa declinandum. Quod si casu cecideris; procura quàm primùm culpam delere contritione, & Sacramentali Confessione.

*Fructus*

*Fructus huius Meditationis.*

1. **R**ecte opinare de tuo proximo; & in tuis necessitatibus, magis in DEI timore fundatorum orationes adhibeas.

2. Reverearis omnes Religiosos & Sacerdotes; si non ob alium rationis, saltem ob characteris titulum; quod sint in Altissimi ministros electi.

3. Ab omni occasione declina, quæ te ad DEI offensam deducere possit.

## O R A T I O.

**S**ANCTissime Anachoreta, & Pater Romualde, intimo, & humillimo animi mei lenitu te precor; impetres mihi ultimo ex tuis clientibus, ab infinita Domini nostri pietate, quam perfectissimam cordis puritatem: ut anima mea, à quacunque peccati macula purgata; & non amplius aliquam rem, quæ ipsi displicere queat committendo; ante ejus purissimos oculos presentari digna reperiatur.

C

Qui

Qui vivit & regnat in sæcula sæculorum, Amen.

*Pater noster, Ave Maria, &c.*

**SEPTIMO MARTIS DIE.**  
**PRÆLUDIUM.**

**P**Lanè res magni momenti esset; si tuo exemplo, vel verbis alios ad cultum Romualdi attraxisti; ipsemet verò, aut ob fastidium in ipsius exercitio, aut ob spiritus tepiditatem in continuando, sine fructu remansisti. Adverte sagaciter, in hoc passu à ferventioribus non permittere coronam tibi de manu eripi; & ut ipsi vice tui, opimis meritis & beneficijs, quæ in grandi copia, à charitativis Sancti visceribus prodeunt, potiantur. Aggredere igitur, sequere, & termina sensim hæc fructuosa exercitia, cum ea attentione & affectu, acsi quodlibet ipsorum, in tua vita ultimum foret. Oh! quàm sunt DEO, & Sanctis grati, & accepti diligentes ac prompti datores! Hilarem enim datorem diligit

diligit DEUS. Oh quam suavem, in pietatis operibus delibant perseverantia fructum! Indue ergo animum o fidelis Devote; proposita renova; jam nunc forte extinctum in tuo corde fervorem, circa tam serium propriae salutis negotium, accende.

*SEQUITUR VITA SANCTI.*

**S**ANCTUS Romualdus prophetiae illustri dono fuit dotatus, varias & longinquas res praedicendo. Plures demoniacos liberos fecit. Duos statum mentis dimotos, & furibundos; plerosque alios corporali indispositione laborantes, vel panis fructulo, vel aqua, a se, aut suis discipulis benedicta incolumes reddidit. A quibusdam procul distantibus gravia & notabilia furta avertit, praedones mirabiliter retinendo, ac detegendo. Solum orationis virtute, magna incendia extinxit. In summa annonae inopia, pro se sui que sequacibus, coelitus ali-

menta creberrimè obtinuit. Plurimos Principes, Heroès, insignesque Personas, Magnates, & Dynastas Regionum ad DEUM convertit. Ultimò, partim ab hominibus, partim ab humani generis hostibus, fortes persecutiones, constanti animi robore pertulit.

## M E D I T A T I O.

1. **C**onsidera, Si Divina Bonitas, etiam in suos servos in terris adhuc viventes tam est liberalis; & ipsis pro se, aut pro alijs deprecantibus omnes gratias elargitur. Quidnam non faciet Beatis in cœlesti Patria?

2. Specialissimum Romualdo honorem à DEO collatum; ipsius meritis mentis impotes curando; res rarissima!

3. Quòd non obstantibus tot insignibus favoribus, quibus erat ab Altissimo dotatus; nihilominus ejus permissione, ab infernalibus spiritibus, &

mun-

mundanis personis permultum affligeretur.

**PROPOSITA.**

**F**initis prædictis considerationibus propones.

1. Ponendam, quàm singularissimam fiduciam in incomparabili S. Romualdi intercessione; quâ te à quavis notabili, etiam extraordinaria calamitate liberare queat.

2. Nunquam in tuis necessitatibus, de Divina Providentia desperandum; at illico ad illam confugiendum, mediante hoc Sancto Patriarcha

3. Non pertimescendas tribulationes, quasi signa iræ supernæ; verùm complectendas, ut quendam arrabonem, Divini Amoris, erga nos.

*Fructus huius Meditationis.*

1. **I**ncipe graviores tuas necessitudines animæ, aut corporis, aut familiæ tuæ Sancto commendare.

2. Utaris in bonum rerum cognitione,

one, sanitate, & commoditate; quam DEUS pijsimus tibi elargitur.

3. Humilieris ante DEUM, & homines: è contra verò in quacunque adveritate exultes,

## O R A T I O.

**O**Mnipotens sempiterne DEUS, qui in consilio Sanctorum tuorum gloriaris, preces mei miseri peccatoris exaudi; atq; meritis, & intercessione Beati Abbatis & Confessoris Romualdi dignanter præsta; ut aliquando sublever ex obscuritate imperfectissimæ vitæ, & erigar ad celsitudinē tui Divini famulatus; profitendo tibi amorem purum & fortem; proximo ferventem charitatem; ipsimet autem glorioso Patriarchæ perpetuam & intimam devotionis subjectionem. Qui vivis & regnas in infinita sæculorum sæcula. Amen.

*Pater noster, Ave Maria, &c.*

OCTA-



OCTAVO DIE MARTIS.  
PRÆLUDIUM.

† **E**Cce jam adest terminus tui itineris spiritualis, Exercitiorum inquam Novendij, ad perpetuam laudem Sancti Romualdi arreptorum. Confitere tãdem, quòd licet si illis cum illa attentione & spiritu, quem requirunt, non es ulus; nihilominus quasi defectum tuum suppleres, quando majorem in te semper percipis dispositionem, ad ipsi serviendum, & iterandam aliàs fructuosam hanc devotionem. Assume ergo animum, & his duabus diebus resolve te ad unendam omnem, quam olim habuisti applicationem; ita, ut in fervoris intensione, & cordis teneritudine, erga ineffabilem tam præclari Sancti bonitatem, omnes aliàs hætenus habitas præcellat. Ah quam perpulcher & utilis devotionis hic Epilogus, debet esse acceptus DEO, charus Angelis; gratus Romualdo! Nunc jam vide-

bis, quàm sit fructuosum animæ tuæ, propius & veriùs ad tam potentis Protectoris cor accedere.

*SEQUITUR VITA SANCTI.*

**D**Ecrepitus noster Sanctus Pater cognoscens tempus appropinquare, quo, destructo languidi corporis sui carcere liberâ & solutâ animâ ad perennem cum DEO evolare deberet unionem; inenarrabili lætitiâ plenus, cunctis palàm communicavit, quòd post breve, sibi tamen visum diuturnum, duorum scilicèt annorum curriculum, extrâ hanc terram terræ mansionem futurus esset. Recessit proindè ad Eremum à se ædificatam Vallis de Castro, septem milliaribus Fabriano distantem. Ibi in loco aliquantulum ab aliorum conversatione remoto, extruxit Cellam cum Sacello, ad præsens Sancti Blasij nuncupato. In hac reclusus, nihil remisso solito jejunij rigore, in altissima contemplatione,

platione, & silentio mansit; atq; sic, ut verus Anachoreta, absque aliqua humana assistentia, ultima suspiria efflare voluit. Serotinâ horâ diei 19. Junij, Anni 1027. duos Religiosos è cellula dimisit, in gravi & ultima necessitate sibi assistentes; ipsisque mandavit, ut ad Eremum recedentes, post cantatum matutinum ad se redirent. Suspicientes nihilominus discipuli Sanctum Patrem, ut verum solitarium, velle suum spiritum purissimum exhilare, & sine alicujus interventu; uti prædictum habuerat viginti ante annis; non multum à cella recesserunt. Transacto deindè brevi temporis intervallo, cum attentius auscultarent; & neque motum corporis, neque vocem audirent, jam quod evenerat veraciter opinantes, impulsâ januâ velociter irruunt, lumen accendunt, & Supinum Sanctum, jacere mortuum, consternati reperiunt. Quo pervenientes omnes discipuli, Sanctum Cor-

pus in principali Ecclesia Monasterij, cum Hymnis & Canticis, inter devotas lacrymas & suspiria deposuerunt. Vixit Beatissimus Pater centum viginti annis, ex quibus viginti expendit in sæculo, tres duxit in Monasterio, & nonaginta septem in Eremitica transigit austeritate.

### M E D I T A T I O.

1. **C**onsidera, quomodo Sancti, quamvis singulari privilegio divina gratia securi, & futura Paradisi gloria; tamen antequam tempus mortis appropinquaret, ab omni exteriori negotio recedebant; ut se totos in DEO reponerent, & transirent feliciter ad eum.

2. Quomodo illis, qui adhuc in vita degentes, dimicare ferio contra tentationes, ipsasque vincere, sunt assuefacti; deinceps in mortis articulo, non sit opus humanam assistentiam. Quocirca illis superandis primo assuescere proficuum est.

3. Quomodo expavescere non debeamus in servitio Divino, omni tempore vitæ nostræ, licet si prolixiori. Quoniam Divina Bonitas id meretur, nos quoque obligamur.

P R O P O S I T A.

**P**Rædictis considerationibus transactis propones.

1. Vitam agendi, quantum vires tuæ se extendunt, segregatam à mundi turbinibus; nè tibi in ultimo mortis puncto, sint laqueus & impedimentum.

2. In singulos dies hanc expressam, & fixam habendam reflexionem, quali quilibet ipsorum ultimus eslet terminus vitæ tuæ.

3. Quotidiè pro moribundis, ad finem felicitatis eorum ex hac vita transitus, orandum.

*Fructus huius Meditationis.*

1. **V**esperè, antequam ad requiescendum te conferas, serio concipi-

conscientiam tuam examines, & de commissis inter diem culpis, à DEO veniam exoptules. Ad hunc finem etiam, si nocte illâ te exhalare spiritum improvise contingat, examen Confessionis ante DEUM tibi serviet.

2. Omni die, aliquâ singulari oratione, Domino DEO, Sanctissimæ Virgini MARIÆ, Sancto Josepho, S. Romualdo, alijsque tuis Sanctis Advocatis animam devotissimè commendes; ut si casu mortis id facere nequeas, tempus nunc anticipes.

3. In memoriam tibi creberrimè veniat, quòd sis è vita migraturus. Ideò in Purgantium Animarum suffragium, aliquod opus bonû applices.

### O R A T I O.

**M**AGNUM resplendentium virtutum specimen meæ mentis oculis repræsentatur, fixè perpendicularibus prodigiosissimam tuam vitam, ò Beatissime Pater. Nimiùm absorptus  
manco,

maneo, alta mentis indagine trutinans  
tam admirandas actiones tuas, tam  
prodigiosa miracula. Efficce tandem,  
ut te imitando quantum valeo, post  
fragrantiam pretiosorum unguento-  
rum tuorum curram; & transacta hae-  
mileram vitam, Te sequar in aeterna.  
Quam, mundi Redemptor & Judex  
Christus, per suam infinitam bonita-  
tem concedere dignetur. Amen.

*Pater noster, Ave Maria, &c.*

NONO ET ULTIMO  
MARTIS DIE,  
PRÆLUDIUM.

**H**Ac ultimam Novendij die, præsto-  
latur à te S. Romualdus perfe-  
ctum cordis Sacrificium; & constan-  
tem tuarum mortificationem passio-  
num. Jam pluries præteritis feriis  
pollicitus es futurum te ejus perpe-  
tuum & devotum servum; ipsumq;  
sequi in sanctis vitæ operationibus spo-  
pondisti. Nunc idem monstrabis, se-  
pius

pius frequentando Sanctissima Sacramenta; auscultando ultra solitum, devotè, Verbum DEI; voluntariè amplectendo abstinentias & jejunia, adjuvando tuum proximum in rebus ad animam, & corpus pertinentibus; libentè & procul recedendo à vanitatibus mundi; ex animo DEUM placando & precando pro inimicis, cum ipsisque te reconciliando; mortificando lenius, atque tuam vitam, quantum possibile, conformando vitæ Sancti Patris. Ad quem finem ipsi, aliquod devotum tributum, vocalium & jaculatoriarum precum offeras; invocando ipsum vivo corde in necessitatibus, & tribulationibus. Hæc erunt & similia, magis manifesta signa tuæ devotionis erga ipsum, & profectus deprompti ex hoc Novendio. Benedictio itaque Patris, & Filij, & Spiritûs Sancti tecum maneat, custodiatque te ab omni malo, per servi sui Romualdi merita. Qui tibi etiam,



ab eodem Domino liberalissimo Largitore, omnis desiderabilis boni plenitudinem impetret. Amen.

*Succincta Historia Translationis S. ROMUALDI.*

**T**Ransacto, à morte S. Patris quinquennio, Authoritate Apostolicâ, per Joannem XX. Pontificem Maximum, Anno 1032. conclusum fuit; ut Sacrum Corpus ejus exhumaretur, ac in decentiori loco collocaretur; atque in nova tumba intra altare ad publicam venerationem exponeretur. Ad quem finem Prior Eremi Vallis de Castro, dictus, P. Dominus Azo, S. Patris discipulus paravit parvam arcam, supponendo eam fore sufficientem ad recipiendas sacras Reliquias; quas jam in pulverem redactas opinabatur. Interim Sanctus, cuidam Religiosorum in somnis apparuit, impetrans; ut certiolem redderet Priorem, illam arcam,

cam, ad includendum Corpus suum, esse incapacem. Rei veritatem exitus probavit. Aperto namque sepulchro, tam integrum & pulchrum Sacrum Corpus reperierunt; ac si illud sepulturae, eo instanti tradidissent. Proinde sine mora, facta fuit alia grandis, & sufficiens arca; quae secundum antiquam traditionem hucusque conservatur sub quodam collateralium altariū, in Ecclesia S. Blasij Fabriani Per quam Dominus, etiam ad praesens plurima miracula operari dignatur, maxime in infantibus, eo, gratia acquirendae sanitatis repositis.

Posito itaque, sub quodam novo Altari Sancti Romualdi Corpore, sparsaque fama, quod omnino incorruptum conservaretur, (sicut in veritate integrum inventum est, Anno Millesimo, Quadringentesimo, Sexagesimo Sexto; quadringentis triginta novem annis elapsis, post felicem ejus transitum) in Anno Millesimo Quadringentesimo

tesimo Octuagesimo primo, duo Religiosi Pedemontani extranei, inter se convenerunt eò personaliter eundum, & clam raptum, ad suum Monasterium deportandum. Supervenientibus itaque sacrilegis manibus, & vix contrectantibus, protinùs vestimenta Sancti, & Caro in cinerem resoluta sunt; pulpâ spoliatis Sacris Ossibus solummodò remanentibus. Ad hoc miraculum nihil perterriti, ocyùs Sacra Ossa in saccum immiserunt, & cum eo ad Civitatem Aelinam iter aggressi sunt. Ad cujus Cauponam se recipientes, Sacrum depositum in pavimento cujusdam habitaculi reposuerunt. Casu deniq; transeunti filio Cauponis visum fuit magnum incendium; vocat proindè Patrem; sed & huic similiter videbantur exurgere flammæ ignis usque ad tectum. Ambo cubiculum intrant, & nihil reperiunt, præter vilem saccum in terra depositum, plenum ossibus. Recursu igitur  
facto

facto de rei novitate ad Episcopum, interim ejus mandato, duo delinquentes sub aresto positi sunt. (de quibus fama tulit, ipsos in quodam nemore, à feris immaniter devoratos fuisse, & infelices vitam miserabiliter finisse.) Undè Episcopus convocato Clero, populique multitudine, diversorium adiens, Sacras Reliquias ad Cathedrallem Ecclesiam transtulit. Interim Patres Vallis de Castro, instantes preces pro recuperandis ipsis fecerunt; sed tam Episcopus, quam Ælinates precibus eorum non annuerunt. Quocirca Patres Maceratam adierunt, Legatum à latere Cardinalem interpellantes, ipseque decrevit, ut relicto Ælinæ Ecclesiæ uno brachio Corporis Sancti, reliquum totum Monachis Camaldulensibus restitueretur. Arrepto itinere cum Sancto pignore, controversia exorta est, essetne ad antiquum Vallis de Castro monumentum deportandum, an potius Fabrianum? Tandem

dem mulis, super quo tam pretiosus thesaurus jacebat, litem diremit; siquidem nullâ vi humanâ induci poterat, ut viam relinqueret, quæ Fabrianum ducebat; & Cœnobium versus Vallis de Castro, passus revolveret. Quô appropinquantibus Sacris Reliquijs jam horâ tardiori, sine scitu Fabrianensium, omnes campanæ improvisò ipsamet sonum ciere incipientes, publicum communis lætitiæ signum dederunt. Quocirca cum jubilo universalis, & solemni Processione, in Ecclesiam S. Blasij illatæ fuerunt, atq; in marmorea arca, sub majori altari depositæ; ubi singularissimâ devotione semper coluntur. Contigit prædicta Translatio circa annum nostræ salutis, Millesimum, Quadragesimum Octuagesimum Secundum, Die Septimâ Februarij.

## M E D I T A T I O.

I. **C**onsidera, quanta fuerit puritas Romualdi, quæ per tot sæcula

cula sui Corporis meruit incorrupti-  
onem.

2. Quomodo ad Sanctorum Reli-  
quias, cum magna reverentia & cir-  
cumspeditione accedere debeamus; ex-  
pectando incurrendam eorum indi-  
gnationem, si contrarium fecerimus.

3. Perpende; quod multoties sub  
specie devotionis, aut zeli permagni  
errores committantur. Unde con-  
sulere virum probum consentaneum  
est, priusquam rem aliquam magni  
momenti, & extraordinariam ope-  
rari exordiaris.

### P R O P O S I T A.

**F**ACTIS supradictis considerationibus  
propones.

1. Custodiendam omni possibili a-  
nimadversione, tui cordis & corporis  
puritatem.

2. Ante contactum. aut osculum  
Reliquiarum Sacrarum, petendam  
quodammodo licentiam ab illo San-  
cto,

cto, ac demùm actu Contritionis animam purificandam, ut digniùs eas accedas.

3. Non permittere te vinci à Creaturis irrationalibus, in præbendo Sanctis honore; & tantò magis ab insensibilibus.

*Fructus huius Meditationis.*

1. **I**N tentationibus & periculis contra puritatem recurras humiliter, & fiducialiter ad Romualdum.

2. Appropinquando Sanctis Reliquijs, cogita te accedere ad ipsum Sanctum, cujus sunt.

3. Operare illud bonum, quod est certum & securum; & nunquam dubium, aut speciosum sine consilio aggre-  
dere.

**O R A T I O.**

**Q**uàm dulce est, & suave tibi famulari prompto animo, ac generoso, ô gloriose Romualde! Ego confiteor, quod licetsi hos novem dies,  
tuo

tuo honori dedicatos frigido spiritu transegerim ; nihilominus admodum me sentio consolatum, atque compulsum ad te incessanter amandum ; monstrandosq; ipsis operibus, meæ debitæ gratitudinis affectus. Interim blando animo recipe id, quod hætenus ad tuæ gloriæ augmentum, meæque animæ utilitatem exercui ; & perfice quidquid in mea intentione in posterum faciendum, viget ; imprimendo in corde meo indelebile, tui obsequentissimi servi signum ; cujus virtute, omni tempore, & loco, in laudibus tuis occuper ; sperando in Divina Misericordia, tibi me associandum in cœlis, per totam Æternitatem. A.

*Pater noster, Ave Maria, &c.*

### Alia Devota Oratio,

AD PATRIARCHAM

S. ROMVALDVM.

SANCTissime Pater, cum ipsis operibus altissima merita tua venerari nequeam ;



nequeam; ad minus mihi concedatur,  
ut laudis tributum præstare tibi va-  
leam; undè adæquatum motivum ad-  
mirandæ eminentiæ illarum singula-  
rium virtutum percipiam, quæ tuam  
Animam felicem reddiderunt. Si igitur  
exaltare audeo Divinum Amorem  
qui in te regnabat; ecce fuisti quæ-  
dam flamma, quæ incessanter arde-  
bat, sæpissimè coactus clamoribus ex-  
halare ardores tui igniti cordis. Si  
verò Amorem erga proximum laudare  
asurgo, ecce totum mundum salvare  
cupiens, in Eremum convertere volu-  
isti. Si donum Orationis magnificare  
prætendo; creberrimè te extra se ra-  
ptum cerno; & transformatum in  
DEUM, per contemplationis excel-  
sum. Si abstinentias celebrare desi-  
dero; jam exploratum patet, quòd per  
longam annorum seriem, solo rigidis-  
simo jejuniorum alimento sustenta-  
reris. Si puritatem mentis, & cor-  
poris describere satago; sufficit dicere,  
quòd

quòd ab ipsismet Sanctis, Angelus incarnatus nominareris. Si denique, omnium tuarum virtutum splendorem demonstrare studebo; ecce te splendidissimam stellam, luminosum Planetam honorari audio. Sed advertens, quòd ipsamet Seraphica lingua languesceret in perfecte explicanda sublimitate sanctitatis, & gratiarum, quibus tuum fortunatum Spiritum Pater luminum cumulavit; idcirco dispono permutare laudes in preces; tibi que intimo corde supplicare, ut velis mihi esse fax ad incendendum cor meum Amore DEI, & proximi; dux in oratione, exemplum in patientia, speculum in castitate; author in patientia; sustentaculum in lapsu, solatium in tribulationibus; regula in actionibus, socius in laboriosa hujus miseræ vitæ peregrinatione; Protector, & Assistens in tremenda mortis hora; ut tandem in æterna gloria consors tui esse possim, Amen.

*Intentio*

*Intentio & Methodus Ferialium  
quinque tertiarum, quæ à devo-  
tis ROMVALDI servis sunt  
faciendæ, proximè ante diem  
gloriosi sui transitus in cœ-  
lum; qui 19. Junij ce-  
lebratur.*

**I**N hujus Libelli frontispitio innui-  
mus, quomodo quinque Meditati-  
ones, & Orationes Novendij hoc si-  
gno † adnotatæ adhibendæ sint, pro  
totidem diebus Martis, ante festum  
præfati Sancti in Junio. Modo, ut  
notum maneat, ad quem finem sunt  
instituti, observandum est. Quomo-  
do Beatissimus Pater, ante suum tran-  
situm ex hac vita, ad immortalem, per  
quinque Menses continuò, & irremissè  
nimis molestam infirmitatem corpo-  
ralem sustinuerit. Proinde ad pro-  
merendam à Domino DEO, medi-

D

ante

ante Sancto Patriarchâ, non solum  
 resignationem & tolerantiam in no-  
 stris infirmitatibus, verum etiam gra-  
 tiam summè desiderabilem bonæ &  
 sanctæ mortis, præsentia exercitia ser-  
 vient.

### *Adverte.*

**N**E autem, ab hoc utili devotio-  
 nis exercitio jejunia te perterre-  
 ant, pergratum erit ipsi Sancto; si aut  
 lacticijs contentus te mortificabis,  
 aut ab aliquo meliori cibo abstine-  
 bis, aut saltem parsimoniam se-  
 rotino tempore adhibebis,  
 dummodo id pura men-  
 tis devotione, & affe-  
 ctu facias.



OFFICIUM  
 PARVUM  
*Sancti Patris Nostri*  
 ROMVALDI  
 ABBATIS.

*A Sacra Rituum Congregat. approbatum.*

AD MATUTINUM.

Ps. **D**omine labia mea aperies,  
 R. Et os meum annuntiabit  
 laudem tuam.

Ps. **D**EUS in adiutorium me-  
 um intende,

R. Domine ad adjuvandum me festina.

Ps. Gloria Patri, & Filio, & Spiritui S.

R. Sicut erat in principio, &c. Alleluja.  
 vel: Laus tibi Domine Rex æternæ  
 gloriæ.

H Y M N U S.

**T**U, qui ruentis sæculi,  
 Bonis relictis omnibus,

D<sub>2</sub>

Rupes

Rupes petisti montium,  
 DEO ut placeres anxius.  
 Nobis Pater surgentibus,  
 Summo Parenti maximo  
 Laudes daturis maximas  
 Succurre voto supplici.  
 Somnum repelle noxium;  
 Absterge nubes mentium,  
 Ut Sempiterno Numini,  
 Preces canamus seduli.  
 Præsta hoc Beata Trinitas,  
 Concede supplex Unitas.  
 Ut te hic colentes unice  
 Tecum fruamur æthere, Amen.

*Antiph.* In Marutinis, laudibus semper adstabat Altissimo Beatus Romualdus, alijs divinis officijs non intermissus.

ψ. Ora pro nobis Beate Pater ROMUALDE,

℞. Ut digni efficiamur promissionibus Christi. *ORATIO.*

**D**EUS, qui famulum tuum ROMUALDUM Abbatem, Ipretisca-  
 ducis

ducis gaudijs hujus vitæ ad confessi-  
onis gloriam sublimasti; fac nos, quæ-  
sumus, ipsius meritis, ab hujus mundi  
onere sublevatos, cœlestia omni tem-  
pore anhelare. Per Dominum, &c.

AD PRIMAM.

ψ. Deus in adjutorium meum, &c.

H Y M N U S.

**N**ostris adesto vocibus,  
Pater precamur supplices,  
Res ut diurno tempore  
Puris agamus mentibus.

Nostras labentes dirige,  
Cœli preces ad Principem,  
Morte ut perempti corpore,  
Vita fruamur cœlitum.

Præsta hoc Beata Trinitas,  
Concede simplex Unitas,  
Ut te hic colentes unice,  
Tecum fruamur æthere, Amen.

*Antiph.* Vir vitæ venerabilis magis  
elegit vitam Monasticam ducere Be-  
atus Romualdus, quàm in tumultibus  
sæculi manere.

¶ Ora pro nobis Beate Pater ROMUALDE,

R. Ut digni efficiamur, &c.

## O R A T I O.

**F**ac nos quæsumus Domine Beati  
Patris Nostri Romualdi hic imita-  
ri labores, ut illic ejus gloriæ parti-  
cipes esse mereamur. Per Dominum  
nostrum, &c.

## A D T E R T I A M.

¶ Deus in adjutorium meum, &c.

## H Y M N U S.

**V**T Romualdus hostium,  
Virtute continentie

Victis furentum fraudibus

Jam possidet cœlestia.

Sic nos devicto sæculo,

Castis, fideque moribus

Ipsa juvante maxima

Cœli allequamur præmia.

Præsta hoc Beata Trinitas

Concede simplex Unitas,

Ut te hic colentes unice,

Tecum fruamur æthere, Amen.

*Antiph.*



*Antiph.* Sancte Romualde Christi  
Confessor, audi rogantes servulos, &  
impetratam cœlitus; tu defer indul-  
gentiam.

Ÿ. Ora pro nobis, &c.

O R A T I O.

**I**Ntercessio nos quæsumus Domine,  
Beati Patris nostri Romualdi Abba-  
tis commendet, ut quod nostris meri-  
tis non valemus, ejus patrocinio at-  
sequamur. Per Dominum nostrum, &c.

A D S E X T A M.

Ÿ. Deus in adjutorium meum, &c.

H Y M N U S.

**A**ldi preces Sanctissime,  
Quas, Romualde, fundimus,  
Christoque Regi gloriæ,  
Virtute caros effice.

Illum precare fervidus;  
Ut tollat omnē noxium,  
Donetque cuncta prospera,  
Et hîc, & in cœlestibus.

Præsta hoc Beata Trinitas,  
Concede simplex Unitas,

Ut te hic colentes unice,  
Tecum fruamur æthere, Amen.

*Antiph.* Bonis semper operibus Be-  
atus Pater Romualdus insistebat, no-  
cte, ac die Domino famulando.

ψ. Ora pro nobis, &c.

O R A T I O.

**O**Mnipotens sempiternæ DEUS, cui  
cuncta famulantur elementa, e-  
xaudi propitius orationem nostram,  
& tribue nobis misericordiam tuam:  
ut quæcunq; præcipis, intercedente Be-  
ato Romualdo Confessore tuo, im-  
plere possimus. Per Dominum no-  
strum, &c.

A D N O N A M.

ψ. Deus in adiutorium meum, &c.

H Y M N U S.

**T**U Christe, summa Charitas,  
Ac sempiterna Bonitas,  
Cor nostrum redde blandulum,  
Per Romualdi gratiam.  
Hic proba, & ignominias,  
Divino amore saucius,

Vultu

Vultu sereno pertulit,

Ob idque fulget inclitus.

Præsta hoc Beata Trinitas,

Concede simplex Unitas,

Ut te hîc colentes unicè,

Tecum fruamur æthere. Amen.

*Antiph.* Erat Beatus Romualdus  
perfectò fide præclarus, in virtutibus  
gratiosus, & hospitalitate præcipuus.

ÿ. Ora pro nobis, &c.

O R A T I O.

CONcede nobis Domine, quæsu-  
mus alacribus animis Beati Con-  
fessoris tui Romualdi commemora-  
tionem quotidie peragere, cujus di-  
versis decorata miraculis, tibi vita  
complacuit. Per Dominum, &c.

A D V E S P E R A S.

ÿ. Deus in adjutorium meum, &c.

H Y M N U S.

BEatus iste, corporis,  
Tandem solutus vinculis,  
Post longa victor æthera  
Jam possidet certamina.

Ds

Frustra

Frustra superbas intulit,

Minas Tyrannus Tartari:

Frustra dolos, & omnia

Inferni movit agmina.

Præsta hoc Beata Trinitas,

Concede simplex Unitas,

Ut te hic colentes unice,

Tecum fruamur æthere Amen.

*Anth.* Sancte Romualde Christi

Confessor, tu nostræ Religionis divi-

nitus plantator, sis apud DEUM no-

ster pius intercessor.

℣. Ora pro nobis, &c.

O R A T I O.

Clementiam tuam mitissime DE-  
US humiliter imploramus, ut me-  
ritis Beati Romualdi, & prospera  
mundi despicere, & cœlestium dono-  
rum mereamur participatione gau-  
dere. Per Dominum, &c.

AD COMPLETORIUM.

℣. Convertè nos Deus Salutaris noster,

℞. Et averte iram tuam à nobis.

℣. Deus in adiutorium meum, &c.

## H Y M N U S.

**I**am noctis ecce frigida  
 Conturgit umbra densior,  
 Curam Pater nunc suscipe  
 Gregis, precamur, supplicis.

Depelle nobis somnia,  
 Et dæmonum fallacias,  
 Sit pura mens, sit pervigil,  
 Sopor fovet dum Corpora.

Præsta hoc Beata Trinitas,  
 Concede simplex Unitas,  
 Ut te hîc colentes unicè,  
 Tecum fruamur æthere. Amen.

*Antiph.* Verè Angelus DEI, verè  
 Propheta Sanctus, & lux magna in  
 finibus nostris apparuit.

ÿ. Ora pro nobis, &c.

## O R A T I O.

**O**Mnipotens sempiternæ Deus, qui  
 Beatissimi Anachoritæ tui Romu-  
 aldi, mentem tantis divini luminis ra-  
 dijs illustrare dignatus es, ut perfe-  
 ctæ solitariæ vitæ excogitator extite-  
 rit, normamque in tui laudem jugi-

tèr fervandam), in cacumine Montis Apennini mirabiliter instituerit: concede, quæsumus, nobis ejus alumnis, quos in nomine tuo genuit, tantâ animi puritate in via præceptorum suorum versari, quatenus à terreno, ad æternum Montem, in quo tecum habitat, purificati conscendere valeamus. Per Dominum nostrum, &c.

*Commendatio ad eundem Sanctum Patrem ROMV. ALDVM.*

**O**bscuro te Beatissime Pater Romualde dilecte DEI, perfectus in charitate cœlesti, Pater inquam, & Magister Eremitici propositi. Pater, qui sacram Eremum, ordinemque nostrum Camalduli per mysterium cœlestis scalæ, instar Jacob Patriarchæ tibi cœlitus ostensum, Domino nostro JESU Christo benedictio in altis montibus sacrasti, ut nos famuli tui, cal-  
cato

o cato seculo, discamus per humilitatem Religionis ascendere in montem divinæ contemplationis, quæ est janua scalæ cœlorum. Et ut sedentes ad pedes Domini cum MARIA, fundere studeamus sicut aquam cor nostrum ante conspectum Sanctissimæ Trinitatis, ut misereatur nostri Omnipotens Pater, & Angelorum nos præsidio cum Jacob munit. Obsecro, inquam, te Beatissime Pater, memor esto omnium Camaldulensium tuorum, ac totius Christianæ gentis. Deprecare, etiam pro me indigno seruo tuo, ut illuminet me radius gratiæ Spiritûs Sancti, quatenus lordibus omnibus mentis, & corporis expurgatis, universis bonis, ac sanctis virtutibus exornet. Sic verò in dilectione DEI, & proximi, cum vera Religione, Fide, Spe, & Charitate, & humilitate, & mansuetudine me exerceam, ut ad eam cœlestis mentis contemplationem, me aliquando rapi sentiam,

tiam, quâ te hîc olim rapi consuevi-  
sti, dùm inhians in superna fluentia  
fontis vitæ, quasi totus in lacrymas  
resolutus æstuante in te ardore divi-  
ni amoris, clamabas ad dulcissimum  
Dominum JESUM: Chare JESU,  
chare; mel meum dulce, desiderium  
ineffabile, dulcedo Sanctorum, sua-  
vitas Angelorum, & his similia mul-  
ta proferebas in jubilo. Commen-  
doque tibi pijsime Pater animam  
meam, corpus, & spiritum meum,  
omnes qui se meis commendaverunt  
orationibus, amicos, & inimicos, ut  
tu, qui DEI amicus es, & securus de  
te, sis quoque de nobis sollicitus, &  
nos precibus juves. Et rogo te dul-  
cissime Pater, ut me famulum tuum  
hodiè, & semper tuis sanctis interces-  
sionibus protegas, quatenus nomen  
JESU, & Angelus ejus bonus expel-  
lat à me omnem Sathanæ nequitiam,  
ac terrorem, & misereatur animæ meæ  
in egressu tuo miserator Dominus. A.



AD DIVUM  
ROMVALDUM

ABBATEM,

Camaldulensis Ordinis Fundatorem.

*Pro impetranda sui protectione praecipue in liberandis Obsessis, & Infirmis sanandis.*

H Y M N U S.

QUÆ Virtus, quæ potentia,  
Quâ Romualdus polleat  
Ægros, superque Demones,  
Ejus Sepulchrum edocet.  
Cum lectulo decumberet,  
Quinquennio fere sustulit  
Ad instar mole Damonem  
Ejus prementem genua,  
Amentis frontem osculans,  
Obsessi insuflans faciem,  
Utrumque sanum reddidit;  
Sic irricebat Damonem.

Cum

82 *Hymnus ad D. Romualdum.*

Cum parvo panis frustulo  
Alium sanat puerulum,  
Lymphâ, quâ manus terferat,  
Languores multos expulit,  
Alius Cilicium intuens  
In Templo occultum, ejulat,  
Illud illud me abigit,  
Et statim Dæmon exijt.  
Rogo DEUS Sanctissime,  
Per Romualdi merita,  
Obsessi ut à Dæmone,  
Sintque ægri à morbis liberi.  
Uno trinèque Domino  
Sit sempiterna gloria,  
Qui Romualdo contulit,  
Flagellum esse Dæmonis. Amen.  
ψ. Ora pro nobis Sancte Romualde,  
R. Ut digni efficiamur promissioni-  
bus Christi.

*O R E M U S.*

**D**EUS, qui famulo tuo Romual-  
do Abbati gratiam, & Virtutem  
super ægros, ac Dæmones conferre  
dignatus es: Supplicationes nostras  
benignus

benignus respice, ut ejus meritis, & intercessione omnem Creaturam à nefarijs spiritibus, & ab omni Corporis infirmitate liberare, ac præservare digneris. Per Christum Dominum nostrum, Amen.

RESPONSORIVM  
S. ROMVALDI.

*Ad petendum ejus Patrocinium.*

**S**I quæris Patrocinium,  
Et Romualdi gratiam,  
Quid possit ejus dextera,  
Fabrianenses adeas.

Obsessos, & à scabie,  
A bello, & à contagio,  
Attractos, atque pavidos  
Pupos, amentes, liberat.

Sancti contactu Cranij,  
In præsens aqua cernitur  
Morbos & incurabiles,  
Sanare frequentissimè.

Obsessos,

Obsessos, & à scabie,  
 A Bello, & à contagio,  
 Attractos, atque pavidos  
 Puppos, amentes, liberat.

Gloria Patri, & Filio, & Spiritui S.  
 Obsessos, &c.

ÿ. Ora pro nobis Sancte Romualde,  
 R. Ut digni efficiamur promissioni-  
 bus Christi.

## O R E M U S.

**D**ELUS, qui famulo tuo Romualdo  
 Abbati gratiam, & Virtutem su-  
 per agros, ac Demones conferre di-  
 gnatus es: Supplicationes nostras be-  
 nignus respice, ut ejus meritis, & in-  
 tercessione omnem Creaturam à ne-  
 farijs Spiritibus, & ab omni Corporis  
 infirmitate liberare, ac preservare

digneris, Per Christum Do-

minum nostrum.

A M E N.



AN-

**A N T I P H O N A**  
**A D B E A T U M P A T R E M**  
**B E N E D I C T U M .**

*Pro impetranda assistentia ipsius, in mortis articulo.*

**S**Tans in Oratorio dilectus Domini  
Benedictus, Corpore & Sanguine  
Domusico munitus, inter discipulo-  
rum manus imbecillia membra susten-  
tans, erectis in caelum manibus, inter  
orationis verba Spiritum efflavit; qui  
per viam stratum pallijs, & innumeris  
coruscantibus lampadibus, caelum ascen-  
dere visus est.

*Y.* Gloriosus apparuisti in conspectu  
Domini,

*R.* Propterea decorem induit te  
Dominus.

**O R E M U S .**

**D**EUS, qui pretiosam mortem San-  
ctissimi Patris Benedicti, tot can-  
tisque

86 *Antiphona ad S. Benedictum.*

tisque privilegijs decorasti; concede  
quæsumus nobis, ut cujus memoriam  
recolimus, ejus in obitu nostro, beatâ  
præsentia, ab hostium muniamur in-  
sidijs. Per Dominum nostrum JE-  
SVM Christum Filium tuum, qui te-  
cum vivit & regnat in unitate Spiritus  
Sancti DEVS, per omnia secula sæ-  
culorum, Amen.

## P R O S A

De Sanctis quinque Fra-  
tribus Martyribus Polonis.

*Ex antiquo Breviario Polonorum, ex  
revelatione S. Joannis Eremitæ Ca-  
maldulensis, composita est à R. P.*

*Nucio, Ordinis S. Franc. de  
Observ. ut infra.*

**T**Ota die jubilemus, in hac die exul-  
temus, Tot clarorum invocemus,  
Sanctorum suffragia.

Qui

Qui in Christo renascentes, mundi  
hujus res puentes, vana quæque conte-  
rentes, pergunt ad cœlestia.

Boleslaus Rex Polonus, transit ad  
hos Sanctos pronus, ferens eis munera.

In oscula prœuertes, quem Sancti  
benedicentes, Rex petit itinera.

Quod Latrones audientes, pergunt  
illuc festinantes, ferunt Sãctis vincula.

Ab his nummos extorquebant; ad  
quos Sancti sic ajebant: vivimus per  
sæcula.

Boleslao remisimus, nam hos corde  
contempsimus, quærentes cœlestia.

Latrones non crediderunt, gladijs  
hos occiderunt, sunt mortis compendia.

Sic per multas passiones, ad super-  
nas mansiones, gloriosi Proceres,

Festinant: & in nemore, lati suo in  
corpore, ducunt mortem celeres.

O quam felix Polonia, felicior Ca-  
simiria, fiunt ibi prodigia, ex Divino  
munere.

Licet

Licet ibi in faustitate, Reliquia sunt locata, tellus tamen luxit lautè, horum sanguinem verè.

Cæcus, claudus, surdus, mutus, ab omnibus erit tutus, ægris membris destitutus, horum sanctis precibus.

Ergo quivis Christicola, dives, pauper, ruricola, extraneus, & incola, esto ad hos votivus.

Precamur vos jam Patronos, Regi nostro incolonos, ferte pacem, mores bonos, victoriam in hostibus.

Scythas, Turcam hinc pellite, morbos, pestes abducite, ipse JESUS sit dux vitæ, locate in cœlestibus.

Ferent nobis hi solamen, si fuerit his precamen, semper erit sublevamen omnis homo dicat Amen.

O R A T I O.

**O**Mnipotens æterno DEUS, pro  
cujus gloria Sancti tui innocentes  
Martyres, Joannes, Benedictus, Mat-  
thæus, Isaac, Christinus, Athanasius,  
Laurentius, & Barnabas Confessor,  
Eremitæ



*Oratio de Ss. Confessoribus.* 89

Eremitæ Camaldulenses Casimiriani,  
in Ecclesia tua Sancta genibus in terra  
prostrati, noctu divinis orationibus va-  
cantes, ab impijs prædonibus appre-  
henti, manibus, pedibusque ad stipites  
alligatis, crudeliter igne & diversis tor-  
mentis diu lacerati, & interfecti, Marty-  
rij palmam æternæ gloriæ adepti sunt:  
præsta quæsumus, ut quorum memo-  
riam suâ devotione recolimus, eorum  
actiones imitemur. Per Christum Do-  
minum nostrum, Amen.

*Oratio alia de Ss. Confessoribus  
Poloniz.*

**D**EUS, qui nos concedis annua San-  
ctorum Confessorum tuorum Ere-  
mitarum Camaldulensium, Andreæ,  
Zoerardi, Barnabæ, Justi, Bogumili,  
& Benedicti Zvirardi Martyris socio-  
rum natalitia colere; da nobis in æter-  
na beatitudine, de eorum societate  
in cælis, feliciter unâ cum illis gaudere.  
Per Christum Dominum nostrum,

A M E N.





IMPRIMATUR.

M. Petrus Pracze-  
wic, Sacræ Theolo-  
giæ Do&or & Profes-  
sor, Canonicus Ca-  
thedralis Cracovien-  
sis, ac in eadem Diœ-  
cesi Librorum Cen-  
sor. *mpp.*






IVT

Faint, illegible text, possibly bleed-through from the reverse side of the page.







965/28 Bibliotheca 350,-  
P.P. Camaldulensium in Bielany

Depozyt w Bibliotece Jagiellońskiej



06202

i. III. 57



i-11